

惠寰詩鈔



惠寰詩鈔目錄

小字詩鈔 鍾離邑惠氏 十五番地
故金承烈書 題字亦是金先生書

惠寰詩鈔 (本文七)

惠寰李用休先生親筆以下

西以一九之三午二月廿七日 華山毛漢記

Carpenter

惠家詩鈔目錄

送柳春伯還鍾城 三首

寄題三松齋

送鄭使君之任舒川 三首

送直武謫碧團 二首

送陽武許使君晉卿

金德老家賞菊留題

金主簿挽 二首

送趙徽緒隨謝恩使赴燕京 三首

走筆次士通韻

送鄭使君之任淵康 五首

柳掌令挽 二首

送李虞裳入日本 二首

題美人戲嬰圖 二首

送李孝虞卿之任鏡城 二首

挽吳斯文錫 一二首

姨弟李孝先挽 三首

李虞裳挽 六首

挽柳士常

送金擢卿之任文川 三首

送趙大夫之任綾州 三首

許烟客汝正挽 三首

送柳使君之任孟山

送李仲容之任順天

送李大夫之任楚山 三首

奉送蔡樊岩出按東藩 四首

野行記所見

田家

戲贈士通

養生吟

寄贈花郊處士 二首

黃公重年禮成詩以賀之 五首

後養生吟 三首

寄題西湖小隱壁上 四首

題梅溪處士冰梅詩卷 五首

送權使君之任遂州 三首

鄭侍郎要賞吾園黃牧

丹以詩奉邀仍求和 三首

聞德順幼選談詩以寄之 四首

復宣前韻寄白門詩社 六首

又成小詩寄白社 三首

李稷山挽 四首

洪獻納挽 二首

送李仲容之任寧越 三首

送鄭使君之任河陽 三首

閑居

漫筆 三首

送金景五赴燕

次紫泉詩韻 二首

送申使君之任涇川 六首

挽金公知

周太白古事酒翰贈金道人 三首

韓斯文挽

申正字挽 二首

幼文調郵丞以詩書贈

送申使君聖淵之任寧越

送李使君東頌之任安邊

世傳湖堂之制詩題獨鉤

江雪韻發總鷹諸學士

苦思客來乞食食後即成

一絕蔡希廣歎賞其詩富

進云余戲次其韻

元韻

吳燕堂嘗赴會中唱滿

為題燕起口占以對三

鷺余戲次或云即松公

元韻

耳遊九曲洞

遊四委寓留韻 三首

又昌字

孝九曲洞主人 三首

共諸君常夜復用前韻

又用前韻示茶翁

復堂前韻示茶翁求和

復墨前韻示諸君

題茶翁

在寓中戲題

寓中不聞鷓鴣聲戲題

申聖淵挽

題愚公行錄後

與羣從晤語有作 三首

續成反諸君 二首

與茶園諸人叙話有作 二首

湯筆

悼大因自廣 二首

題尹雪蒼詩卷

奉送樊公尚書赴燕

李初事挽 二首

送鄭夫遊台嶺山 七首

題陰山大獵圖

消梨歌

龍門觀魚

孝峙送客

社峯看花

君浦曉帆

民山夕照

挽姜君欽嶽 四首

送茶翁南遊 年陽

贈茶翁

採月硯

挽趙大陳 意

挽承旨步遠 三首

題金君汎愛堂 三首

贈陟州李使君

題海金剛圖

送李陟川之任

挽權下庵 三首

漫吟贈外孫許琢

許宦洲挽

鄭逸士遊山還索韻

鄭逸士又將拉漢竿 五首

寄題百花庵

以上共二百十六首附

二首

五古四首 五律十首

五絕一百十二首

七律三首 七絕二十首

惠靈詩鈔

送柳春伯還鍾城

有嶺高摩天上徒仰視君能度此來定有題雲履
又

聖賢千萬言勸人孝悌篤君今宗踐之安用書滿屋
寄題三松齋

松枝不受蟬惡其沸嚙松樹不生蘖羞為再售計
松花味水啜爽烈勝瓊劑浮臙一時散有若氛翳霽
松根枕之卧夢入清虛際不隨槐安窟暨簪青紫也
槿花豈不艷朝榮夕已替芳艸亦難信今茅昔是蕙

昔時種粟田籓
花如雪白災荒
當從實一字胡
可易用智防人
奸此意先不好
我心無撥閑民
俗自熙皞居官
如理家愛民如
保子食俸如犯
贓方謂不徒仕

惟當與蒼髯貞心保寒歲

送鄭使君之任舒川

六首。三首追錄在紙頭

子之先大夫五為大邑吏乞米作晚殮至今傳美事

又

先去民所苦次免民所負又從民所好此謂民父母

又

熬煎日炙背空蛤泥滿亦使君若見此對食應不飽

送直武瀟碧團

蕩之膏中絕怨親今生苦惱是前因曾聞西竺牟尼
佛先度當時害己人

又

谿禽啁哳草花斑
暫解腰包坐樹間
一縷白雲天末
起令人悵望憶家山

送陽武許使君晉卿名彙

單寒勤撫摩耆老頻
台見此非出僻書事在循吏傳

淹留子金德老家賞菊留題

德老名壽

白板扉前細菊斑
我來今日為乘閒
坐中若有談朝市
約使山童罰百錢

又

小雨初收日漏明
丹雞鼓翅上墻鳴
歸心恐在看花

後又出新詩使我評

又

涼：秋日照籬笆小屋圖書位置嘉能使先生來數
數主人高致勝黃花

又

閉門隨處即深山咫尺誰知市有闌抱席扶蠅眠不
穩幾人閒卧百年間

又

遠管南貨上蠻船又逐錐刀北赴燕何似此翁閒自
在秋冬籬落散金錢

金主簿命章挽

陰德譬耳鳴已知人不知於傳曾聞此於君今見之

又

指大雞毛筆有權能生死持此常自惜一字豈虛美
送趙院正徽緒隨謝恩使赴燕京

二酉三蒼古蹟遺懸金十載苦求之燕人若問收書
意為說梅南性嗜奇

太和司馬郭青螺文比諸公變化多可惜華人猶共
鑑十家同選獨遺他

拳虫出遊果校中君惟不肯負桑蓬無論腦有凌雲

志十度衣飄碣石風

走筆次士通韻

士通即趙亨相

時和歲熟復何愁
本分腰鉤勝寶鉤
燔黍枰豚催作
具隣翁相喚賽新秋

送鄭使君恒岭之任淵康

漢治最近古用人先循吏一縣如不治其奈天下事

又

血肉所成軀誰不畏痛苦我則病忌針杖人輒增數

又

邑在海西陬近午始見陽
君來瘴霧消為有御史霜

又

閭閻銖兩奸察之非為奇我先去機閤民自不忍欺

又

蜻蜒立豈英螳蜋擁稻穗使君徐驅馬且賞田間事

柳掌令叙五挽

寄寶於他所取還不經夜幸值主人忘五十二年借

又

君常為余言處世如行旅事了即當歸挽君用君語

送李君虞裳隨通信使入日本

虞裳名璵

陸人一登舟五色輒無主未見源姓者先為海神侮

又

李君瞻包身敵多徃愈勇一枝雞毛筆欲為三韓重

題美人戲嬰圖

玉指尖頭舉示之銅錢兩介貫青絲買糖買餅隨兒
願更勿啼芳牖阿嬈

通寶寧容暫去身回嗔作喜輒如神嫡親母子猶須
此何況悠々路上人

送虞卿之任鏡城

李俊命

豐頰長眉女校書双々來繞使君車此心久已寒灰
似無復星々點火噓

又

无数疲氓入撫摩呻吟未久化謳歌不嫌塞土官厨
薄藜覓平生咬得多

挽吳斯文錫一

世人愛寸心誰似鬼神篤主司所不收冥司乃急錄

又

我謂吳氏父有辭慰足下試登九原堂古无不死者

姨弟李孝先挽

兒生初隨地開口便啼哭為知人間事往々如是毒

又

既與而復奪所以恩怨作造物於君家无端誤一着

李虞裳挽

名見上

五色非常鳥偶集屋之脊衆人爭來看驚飛忽无跡

又

無故得千金其家必有灾矧此希世宝焉能久假哉

又

眇然一匹夫死覺人數減寧非閑去道人多如雨點

又

烏蠻赤具眼得詩輒珍藏家之箱篋裡各有一虞裳

又

其人膽如鰐其眼如月其人腕有灵其人筆有舌

又

灵悟英慧者黃泉寧能錮三尺新墳上定生聰明樹

挽柳友士常

每相視而笑不自解其故譬言如春氣至欣之意生樹

送金擢卿之任文川

名朝潤

取財既傷廉取名亦好勝但為所當為自有神明聽

又

蜜蜂喧着花菱難出穢極謂御且徐驅恐傷田畔稼

送趙大夫之任綾州名惠

過田畔食瓜遺子生不絕勉留去後惠令民盡二說

又

暎雪錦雉雛已覺春意生南民待吹煦大夫勿徐行

許烟客汝正挽

名必

熟銅為烟具奇木為拄杖孝子不死親陳設生時象

又

破壁蛻螭過空庭鵲下無人識余悲窓眼夕陽射

送鵬之使君之任益山

翼柳雲

寒冰栗玉暎襟懷腰帶填紅小角牌一物若從科外
取必門乞食反為佳

送李仲容之任順天

李萬恢

好鳥過空中尚有羽翰響官滿三載後寧無遺惠想

送李大夫源叔之任楚山

冰寒蘂苦老逾加帽翅翹然日坐衙自是懷中真藥
在寧從椶櫚訪三桮

判筆如神息舞文蕭然簾閣對山雲邊民間此爭相
謂是似清源舊使君

奉送蔡大夫出按北藩

樊岩

人生无別法著衣喫飯為治无異術使各得其願

奉送洪大夫出按山東省

閔東雄諸路以挾第一山勉為治第一得此山班

又

山鳥迎車号野藪傍路伏安知無所懷雖微必垂燭

又

風吹松上雪飛隨按廬袍按廬清而潔雪映玉貌高

野行記所見

一鶴啄田中一鶴立塚頂見人開翅起並入寒空迥

田家

婦坐摘兒頭翁偃掃牛圈庭堆田螺殼厨有野蒜本

戲贈士通

處心无棘者書眼有珠悟先灵運佛賤不予張儒
得活餘何計隨緣且自娛紛々皆可笑所競只區々

養生吟

百年以為限過此詭為異譬若踰門闕元是在我事

漫筆寄贈花郊處士

處士貧甚故
詩中及之

天既生兩手意欲有所為安能拱而坐以待兩衆時

又

文工或不遇迷者疑數有力穡而勤學此亦有數否

處士昌原黃公重牢禮成詩以賀之

公名暖

司婚月下老有緣一結絲惟於公夫婦殷勤重結之

又

夾拜就鋪房樺梳篦陳去扇重對看新人即舊人

又

媒人名文忘粧婆孫已老宣髮而丹輔重成合卺好

又

一卅三十年加倍為兩卅能於見在卅重理舊聲慨

又

悲數隨地者能婚亦有幾家人得成恒重見花燭燁

後養生吟

土成瓷則久脂為珀則堅鍊形為死理是未見真仙

又

毛角皆有魂蠢蠕亦惜命常存不忍心使減貪饕養病

又

事過湏即忘留則便害已譬腦有宿物不下終成痞

寄題西湖小隱壁上

欹倒橫斜樹不齊春來花發使人迷紅衫粉臆无名
鳥飛上枝頭一兩啼

儼屋移居為此湖風湖月儘堪娛船來船去紛如
織有一心閑似我無

婢把銅錢問老漁鮮魚論直賣何如老漁歌笠船頭

咍云有簾中活鯉魚

處、江邨起暝烟水波時過竹
自前籬散漸續斜陽
裡遠浦双、返釣船

題綵谿處士詠綵詩卷

惟梅能得渾身奇筆力相當始
騁辭水麝紙兼龍腦
墨主人方許寫茲詩

評到梅花下語難如非肥膩即
寒酸平生最恨歐陽
子只把文章叙牡丹

瘦骨臨風若不勝書自畫寂妙
香凝除非天竺旃檀
樹無物人間敢並稱

清嚴氣格素知聞
半点元無染
世氛膽大包身林處
士不妻穠艷敢妻君

世事乘除已熟籌
歸來林壑得優遊
十年不作繁華夢
為有寒梅傍枕頭

送權使君仲範之任遂州

熙朝官制法西京
先試治民意不輕
大相家中循吏出
應看兩鹿夾車行

麕眼籬邊練鵲飛
縠紋波上錦鱗肥
滿軒花竹呼兒守
待我西州報政歸

鄭侍郎要賞吾園
黃牧丹茲以詩奉
邈仍求和

名花一洗百花空，爭說花无此同我。欲少留遊客，
眼更我倭國映山紅。

誰將金剪：黃羅左紫輕。紅不數他，一見猶難長對。
看天上餉我已云多。

聞德順共幼選談詩老人動觀獵之喜作近體
詩寄德順兼示幼選

唐不為高漢不深，自家情性自家吟。迷時步武皆成
梗，悟後泥沙盡是金。漸入佳從蕉尾層，解裹到
蕉心。猛耽思洗油釘耳，黃鳥林間送好音。

模擬為詩，豈是詩。困機活法，有心師。輕車就道馳无

礎大豈如天整不款傳鋒度針誰正脉迴文隔勾提
駢枝誰家受病阿難見我已多時飲上池

辰翁廷禮各留評語未分明擇未精周鼎商彝多偽
物春歆耕曲儘真情單刀直入无堅墨一子斜飛變
半枰行見承蜩應有悟何勞過此問先生

習氣成心未盡剛肯令輕易叩玄關才雄誰可能移
宿筆健吾曾欲合山雲杜篇章猶犯套姑蘇批點僅
窺斑咏懷賦物聊為樂人是人非猶等閑

復疊前韻寄白門詩社

詩道元來有四深无腔無調是虫吟賞花謂是三村三

瓦賣菜嗟消產萬金不識恢、開濶步惟看窄、空
霧心浮臆粗氣如求盡可向雷門聽大音

非調非曲是名詩善者為師豈定師法似象占多有
寢體如平準少无歌奇珍欲採須較室衆果同賞別
荔枝君若厭煩能近取芙蓉初發滿前池

組織排舖未是難要令真氣十分完三毛頓助精光
發一粟能開出畧寬達理言辭憂病解通灵鼓律鬼
神歡春山秋水天然色時自凭闌獨遠觀

道是詩評異史評詩求溫厚史求精風隨出級宜從
衆言本心鼓貴近情驍箭反授終積美高棋不着得

全枰公安妙訣無人解密處還踈熟處生

新穀爭唱西堂春誰識茅齋詠人莫信庸醫食烏
喙須求善呪遣蛇神山暉定韞無瑕玉火透終成足
色銀語淡意閑塵洗盡清明妙氣日來親

有可當增有可刪安排且勿弄機關張筵卜日逢陰
雨棟廟燒香阻遠山古學源深明歷々諸家得失驗
斑々案頭一帙常吟誦為愛斜川侶我閒

又成小詩寄白社

如牆觀者眼皆花妙技馳名有馬家心手不忘猶戀
法鎔尖誤刺路傍查

次第名園賞衆芳朱白競吹香到木犀驚鼻
觀始知前度盡尋常
一着低人著低終身無路與之齊清宵偶看河圖
數微笑燈前已覺迷

李稷山萬宏挽

足追古人跡心寄古人臆身置古人中自然古人同

又

三代時彝器宜在東西序胡為置共所使與哥窯侶

又

只喫家常飯不行旁徑路忠信二字符長得自身護

又

飢則哺以乳病則撫以手至今稷山民猶思李父母

洪獻納應輔挽

長江風利舶張帆紫陌雞鳴馬鬣銜獨有忠州洪獻
納十年塵篋閉朝衫

終日無人問靜居油自髹几坐看書漢箋唐疏猶疑
晦時把銀硃勘魯魚

送李大夫仲容之任寧越

松花如纛鶴如人峰轉溪深遠去塵太守點心无別
味茯苓和蜜嚼生津

收麥繅絲又插秧村中男婦日忙忙使君欲識農民
苦鷹爪黃連試一嘗

送鄭使君洲之任河陽

河陽縣薄侶居家兩椽山蔬一椀茶侯與安仁功課
異不栽桃李種桑麻

松籬茅舍繞東西官坐彈琴宓不齊盡日縣庭无抱
牒綠陰深處郭公啼

閑居

閑居聊自咏寬邁幽事仍從入夏多竹笋初抽梅子
大時看山鳥引雛過

漫筆

猛帝錦毛斑毒蛇花文燦甚美惡亦隨遠之慎勿玩

又

養生深山裏求者日來尋不如無名艸自在老空林

送金景五赴燕

瑞倫

終歲走街路計之里數千無寧赴上國縱觀好山川

次紫臯韻

橫吹蘆葦倒騎牛遠趁寒鴉過晚洲領鐸自然敲合
律何須嘔啞聽村謳

右牛岩牧笛

雲氣天光互吐含岩花林蔓影毵毵山灵似是嫌全

露點綴諸峰也作嵐

右蓬岳晴嵐

送申使君光洙之任連川

去俗有恆言文人無所用公為一洗之使知文人重

又

連川僻且小其顯乃以人請借日月石照察民嘖呻

又

字不著風月語不及盃觴惟說職所管是謂真文章

又

嬰兒喃語其母皆能知至誠苟如此荒政豈難為

又

村婦從兩火拷棧盛午饑或恐虫投羹覆之以鄒葉

又

水作靴紋皺山如藍龍染無暇搜詩料惟檢田豐儉

挽金念

知其子致溫
常來問字

我只識其子以子知父賢沃壤生嘉穀驗之理固然

用太白古事洒翰贈金道人

眇然軀七尺造化與之爭萬枕齁息孤燈耿々明
此生如不悟歷劫永無成路上前宵過方知有夜行

又

不吹無孔遂常弄混元毬道本單傳秘功須積久修

人誰悲白髮吾自養丹頭故鄉回首是莫錯認并州

又

津為玉醴氣為糧此是君家服食方更有無名珠一顆從心坎內放神光

倚馬雕龍未是才麝香屏幃只為災同看道理君看別破得從前茶桶來

花滿山衣酒滿瓢閒來街巷任逍遙散人亦有明時應遲赴蓬瀛舊侶招

青牛西北道俱行白馬東來教始明欲識兩家同用意更參天竺古先生

清磬敲中忽覺迷
向來知見覆鹽雞
眼前有路如天
大此是登仙第一梯

無可奈何死渭歸
不歸誰敢責違期
縱然家有輪迴
理他日重來異昔時

烹煉先須按日辰
終完火候便通神
丹城試與池魚
食金色先生背上鱗

鳥飛兔走劇跳梭
坐撫流光慷慨歌
柱國告身金北
斗自家性命較誰多

韓斯文錫圭挽

六脉俱訖二豎乘除
非司命起何能
夜深子舍孤螢

度猶認當時讀禮燈

申正字博淵挽

影燈費心造豈求一夜光盆花終歲養只得暫時香

又

橄欖回味日苦盡而甘來忽被風雨壞留得子一枚

幼文調郵丞以詩書贈

名東郁
字夢麟

有脚不自行占便乃乘馬無以馬少遲又鞭牽馬者

送申使君聖淵之任寧越

山蜂採盆花野雉過官舍使君讀書罷倚杖觀擺種

送李使君東頭之任安邊

藤蘿纏結草花深弛檐行人憇樹陰山鹿帶麝禽哺
子等閑俗物感人心

立傳湖堂應制詩題獨釣寒江雪韻凝繩鷹諸
學士方苦思一過客來乞食告呂故即成一絕
蔡希菴歎賞以其詩寫進云余戲次其韻

豆稽灰落助巖凝風勁時三掣釣繩一色玻璃三萬
頃空磯終日立魚鷹

元韵

白玉連江萬里凝測深無計下長繩漁翁捲釣空
過水鱸膾何因薦李鷹

吳燕超尚漁嘗赴會：中以硯滴為題燕超口
占以對一座皆驚余聞而戲次其韻或言非燕
超即松谷云

懸河有口似儀秦又入三摩結水因現見玉蟾來下
界月光童子翹能仁

元韻

河濱遺物過周秦吞吐清波兩穴因魚侶玉山心
貯水孰為其智孰為仁

再遊九曲洞

洞裏聞多逸士家沿溪緩步訪胡麻迎人為導飛鳴

鳥待我重來次第花遙望峯頭岩露恠後過沙口路
分又斜陽解意能留客又作前山數里霞

遊四吾窩留韻

竹笋磚罍出松根石縫露蒿薇豔不種誰能解其故

又

比如南北垞比如東西瀼其地既相類其人可以想

又

晤言不覺久香篆消幾許復携斗酒來林間聽搏黍

又疊家字

常時也罕適隣家興到閒行脚不麻掠草低飛双乳

燕出墻微露半開
花留賓席上揮松
塵取物樛間用
西义向晚歸來須
得二泐弗詩話帶
烟霞

九曲洞主人以石
崖所刻為不雅請
易焉余以詩荅之

此間難着巧工治
雅號嘉名亦未宜
號國本來天質美
朱鉛不許污水飢

至理元來在窈冥
灵山千古不開扃
天慳神秘知何故
無字經高有字經

鐫刻如人面帶癡
滅癡方得軀膚完
兩餘只有蒼苔色
正好幽軒坐卧看

共諸君賞花復用前韻

韶光恰、滿吾家不復閑愁亂作。麻林聒提壺沽酒
馬園開金帶壯元花。雄談直欲摧三耳。險韻何難趁
八叉。更道性中真藥。在寧勞噓吸。學餐霞。

又用前韻示茶翁無求鵠洲諸君要扣

茶翁名鵠相字

通士

百家中。最貴儒家衣食。何嘗外粟麻。鏡得新磨能照
物本。須頻灌。始開花。毀譽言至心逾煉。緩急人來手
莫叉。多少世間濃豔事。曠天何處散晴霞。

復疊前韻示茶翁求扣

小聚荒涼只數家木綿田畔種芝麻溪邊乳鴨藏蒲
葉籬上飛蛾採瓠花大樹千章皆合抱纔谿九曲又
双叉隣翁來問陰晴候笑指天邊一抹霞

又

古洞深々茶老家山如皺法作披麻短劍長尾无名
鳥玄豆黃鬚異樣花巨石竇穿緣受溜枯松枝在或
成文地灵應有丹砂伏光射林間訝晚霞

又

吾當日管吾家不合扣人競漚麻晚酌微醺康節
酒閑看尤物石湖花人情每忘魚頭鰓出路常冷燕

尾又磊砢已平膏海靜何須奇氣吐青霞

又

岡勢紆回作護家門前綠翠長草麻豪情客適來輸
夾喜事兒新學接花雛雉鳴鳩鼓五荅老梅幽竹影
交叉豈棚刺醉村沽卧不信清都喚絳霞

復疊前韻示諸君

寒衣飢食在治家奴斲荒田婢績麻欲看成林移竹
笋也貪多子種榴花也途如彼羊腸曲物理胡為鹿
角又數樹絳桃庭畔立小窗疑是映朝霞

贈茶翁

心交為悅快心合為恰當不然雖談笑鬱若五嶺障
窠老遇恭翁自謂千載曠坦然俱天真不拘亦不放
利无半星分勢无一毫仗談藝互送難非欲老其長
論事各守見但取意所向酒多一巡至果或數顆餉
來不作款昵去不作怡悵玄同異苟同相對作相忘
試看世人交其始管鮑樣庭樹未從陰冬冰已翻浪
至甘寓至談人資水穀養乃知君子道庸德以相尚
陽谷春先回和氣隨風颺林鳥聲嚶嚶對語如酬唱
翁閒常多暇倚樹東臯上感此起遠思游雲時入望
新雨道无塵可理過者杖出門向少陵意行非勉強

聽我說大道腦海一洗盪

在寓中戲題

為遣書童視我園須臾來報吉祥言接花皆活新篁
長一笑欣然倒癭樽

寓中不聞雞聲戲韻

村絕雞聲夜寂然貧家云乞買雞錢不必膠
未報曉此心已覺未明前

申聖淵挽

才只一石少出納有司各獨於申氏家傾困无難慎

題愚谷行錄後

古者置老更使民就而正此職今已廢公乃代為政
與群從晤語有作

良貴吾身在資糧道味優六經人註脚三教路歧頭
物染終非學心空乃是遊鳶魚常活潑莫笑不風流

又

吾生雖已晚志欲反真淳不病猶儲藥无官亦念民
採詩寧限代取友必親仁任他時候改常保太和春

又

雅志林邱在端居歲月深籬花寒保節庭木老虛心
意到前詩續閒來古帖臨囂々我自樂不要有知音

續成示諸君

真宰司元化班形二五凝有生皆樂意無物不良能
道澄川二月心傳盡燈俗人河漢我此語聽何曾

又

人自生煩惱吾惟任起居雲過寧有適舟觸亦應虛
學力能移命心銓豈在書諸君皆解此塵網一時除
與茶園諸人叙話有作

幸賴天之牖粗能大道窺九州同此性千古即今時
慎勿為才使皆宜以理推家常茶飯足何必八珍思

又

少時須努力歲月過駸々兆象能先夢形軀豈阻心
書中十聖在頭上百神臨詩思年來倦寧為汗漫吟

漫筆

兒孫亦作衆生看煩惱何為解脫難他國今朝雖有
事无聞也得自心安

悼矢目自廣

六朔空成骨肉緣眼中形影已茫然隙風猶畏圍屏
護今忍荒原雪壓阡

人情最是祖憐孫抱置懷中體覺溫我在依前渠不
死本身生氣尚留存

題尹曾若詩卷

題評行卷定雌雄綽有昇平盛世風
此道免為狐嘯盡逸才應使馬群空
體求莊穆追周雅律欲調和叶
帝鴻悟境不從言語索相看一笑掌中

奉送樊岩蔡尚書赴燕

名濟

彤庭濟集簪紳命下相看賀得人
百世莫違今

聖主三韓雖小有名臣鮮明冠佩扶桑旭
跋涉驂駟析木津
庶舊墟餘氣象雲飛波立異岐

李知事挽

名光

五福惟缺富其四公皆獲亦有不訾享一聞千金敵

又

大老國著龜後進倚為重无作而有成是謂善藏用

送鄭大夫尋白頭山因遍遊域內諸名山名瀾

久聞白山好腦中結白瘡行望天際白舉杯先志喜

又

勿限歲月日徧遊名勝後目與足交賀今幸不相負

又

名山不須記可記便非是盡盡回道入千古無一似

又

遊山必題名猶是名根存閑雲過長空曠然无留痕

又

人如願巢鳥欲去復遲回君有絕世勇一刀塵網閑

又

萬枕同勦二方作富貴夢乃聞君所為反譏異於衆

又

登山如進學大苦必大樂惟天不可昇餘皆得着脚

題陰山大獵圖

刺鹿飲其血剥帝衣其皮胡不長事此時入窺邊陲

消梨歌

花之絕牡丹果之絕荔枝各自擅偏美惟梨乃兼之

素艷雪猶著芳甘蜜欲欺族大有別譜消名者尤奇
珍顆不須嚼瓊液已淋漓譬如飽道學恰滿融化期
鑑湖老仙園花果數難知獨以此為冠他不許肩隨
念我病渴久數枚為相貽龍盛包以葉乍開香已吹
朱柿適共薦手到先取斯誇示坐中客一嘗并盡皮
宿痾快如洗不用陳腐藥為感故人意抽筆題此詩
園丁向我言明年接活宜

龍門觀魚

龍門峻峩級風雷有時噓隨其功行滿歲登一大魚

考時送客

路口行將分袂視脉情深留不得最是歸觀客
社峯看花

携酒呼同社登山翫春葩還家欲為信各插一枝花
君浦曉帆

聞吏晨開閘船行尾相啣梢工祭神罷一時盡上帆
民山夕照

遠山暮色來前路行人少村機猶織戛西窓有餘照
挽姜君嶽欽

白紙寫作人便與紙起緣矧是骨肉親情愛自纏綿

又

慈極故痛極欲訴而无由心血化為淚還自滴心頭

又

篋中有遺牒客來求見之其父挽手止曰是天吾兒

又

浮生譬如雲起滅誰能記此則記不忘以其所見異

送茶翁南遊年陽

趙亨相

食飢與衣薄數問不為煩今日南州民知有父母尊

贈茶翁

心照衿閑語笑真蕭然小屋太初隣梅花如雪人如
玉此處難容一點塵

糝月硯

不是緇塵染太白故自晦暗香通鼻觀非緣麝煤在

挽趙大諫憲

醫門車馬集藥舖後术列斯人未能活醫藥漫虛設

挽李承旨秀逸

五更星漸落百年人皆去踰耆而入耄譬猶夜向曙

又

高在平常處和在笑語前對之念懷消不自知其然

又

土肪而水香是為君子藏松楸何鬱、百世垂蔭長

題金君璿汎愛堂

衆生心有病聖人以經治衆生身有病良醫藥療之

又

少時誦六籍顯身將及人志業成蹉跎心丹用壽民

又

歷觀前代史勲烈相輝映宋朝第一人我師范文正

贈陟州李使君

名東

作吏何曾異燕居讀書床上奉除書非惟土物毫無
取并與廬名付太虛

題海金剛圖

一金劉盡化翁奇那有餘工又及茲應似少林空壁
上達摩遺像古今疑

送李少川之任

仙藥三寸椹百包須餉吾與君同不老坐看扶桑枯
挽權尸菴名巖

巨山縮長湖有人隱其中黃鍾雖不鳴豈共賓族同
又

浮雲終日愛弱艸隨風倒有石確不拔聊以鎮世道
又

特脫動作機死與生一理觀公所自歸其意已曙此

微醺漫吟書贈外孫許琢

油窓日射照人明
列坐兒孫共舅甥
寢食起居相問訊
天倫至樂此中生

許霍洲藥挽

開門西北望白雲
縈空際此吾友去處
再來問何歲
鄭逸士遊白山還索韻

一脈氣不周
乃為全身病
一山足不到
吾遊猶未竟

鄭逸士
潤畫觀白頭山而還
又將入耽羅遊漢

杼山故書贈

唐館十八士
假名猶為榮
舉足履真境
恍如登天行

又

南戒一支走入海起為山苟非有仙分神物也秘慳

又

九天銀色鹿來飲山頂潭君須飛身跨去訪補陀龕

又

霄漢手可摩仙樂耳如聽頭上光燭云是老人星

又

笠戴白山雪屨踐瀛海波醉卧明月下浩然發長歌

寄題百花菴

兩間艸木類三千三百餘或花或不花者九分居

約之以為百其義何取歟譬如滿天星廿八登曆書
色又不止五數目難盡臚品格亦非一夷惠由賜如
山鳥御宇遺靈種見始初韶光為設采淑氣不停噓
候至各自開爛若雲霞舒芳艸綠相間吾所愛不鉏
復欲備奇賞遐域購枿桐緣溪轉涉園何勞命小車
低枝時拘冠墮蕊或粘裾非此意不樂林徑朝夕於
家人告食具戲者且姑徐餐英而咀涼依然古几蘧
造物惜清福何為偏餉予花下時舉杯自賀復自譽
銅臭與鑄氣衆香為袂除真境異荒唐顧笑武陵漁
天上吾不知人世無比諸案上襍書屏花紅數卷儲

心中无一塵自然來清虛作詩遠相寄豈望報瓊琚
他日造君菴席先生客踈

278

惠
寰
集
叙
音
風



